

Ai rescontrat un chines

Ai rescontrat un chines diluns
Que me faguèt tastar son ris
Ris cantonet,
ris noiricièr
Bon bon èra plan bon.

REPIC

Ai rescontrat un russe dimars
Que me faguèt tastar de caviar
E de salmons
Salmons rosats
Bon bon èra plan bon.

REPIC

Ai rescontrat un gaulés dimèrcres
Que me faguèt tastar un singlar balés
E de peisses vièlhs
Bon bon èra plan bon.

REPIC

Ai rescontrat un american dijòus
Que me menèt dins un Mac dò nòu
Ai pres tres quilos, èri coma un buòu
Bon bon , èra pas bon.

REPIC

Ai rescontrat un angles divendres
Que me faguèt tastar de bon peses
Fluò, verd fluò èran los peses
Bon bon , èra plan bon.

REPIC

Ai rescontrat un italian dissabte
Que me faguèt tastar de pastes
Pastes ala bolonhesa al dente,
Al dente, al dente
Bon bon èra plan bon.

REPIC

Ai rescontrat un marocan dimenge
Que me faguèt tastar un coscos immense
Un coscos immense
Bon, bon èra plan bon.

REPIC

Ai rescontrat un australian un jorn
Que me faguèt tastar un quangorós
Quangorós a l'ast gostós deliciós
Bon bon èra plan bon.

REPIC

Ai rescontrat un grec un mes
Que me faguèt tastar la fetà
E la mossacà
Vertadièra mossacà
Bon bon èra plan bon.
REPIC

Ai rescontrat un espanhòl un an
Que me faguèt tastar de paelhà
E me diguèt aquò t'agradarà
E per acabar de chorròs al chocolat.
Me parlèt en catalan
Li ai respondut en occitan
Fraires de lenga
Sèm fraires delenga.

REPIC

Ieu m'apèli barrutlaire
Soi un viatjaire
Çò que m'agrada
Es de coneisser las gens
Gens del mond
Gens de totas las colors
Gens de totas las religions.